

Edjean Semeleer ta presenta

Hey...ta Pasco! Edicion Special!

Grupo di Betico ta 'Contento' pa fin di aña

Oranjestad Kusnthesis ta electriza mundo di arte na Aruba

Trip y ambiente den tur skina!

Pasco!

'Hey...ta Pasco! 'Edicion Special' a wordo batiza grandemente

ORANJESTAD – Durante anochi masha artistico y special Edjean Semeleer a batiza y lansa su produccion di fin di aña titula 'Hey...ta Pasco! 'Edicion Special'. Diaranzon anochi den e patio di Instituto di Cultura di un forma masha artistico y fenomenal e produccion nobo aki a wordo presenta. Un

CD cu mayoria hende tabata warda riba dje caba, esta un produccion cu a compila tur e miho exitonan di Edjean su CD nan di Pasco. 'Hey...ta Pasco! "Edicion Special" ta conta cu 19 cancion, e 19 nan mas gusta pa e pueblo di Aruba. Cancionnan combina di un manera perfecto cu ta pone bo corda cancionnan di

Pasco tradicional, cancionnan cu un estilo mas moderno y sin por laga afo pa sera e CD cu tremendo ambiente e Dande canta en bibo pa Edjean cu por cierto a gana cu e Dande aki y titula su mes Rey di Dande. Di manera espectacular e anochi a Habri cu Edjean cantando e cancion promocional riba e dak di Instituto di Cultura, compaña pa un grupo di bailado bou direccion di John Freddy Montoya. Siguietemente a presenta e tres prome produccionnan di 'Hey...ta Pasco!' pa na final Fatme bin dilanti cu e tremendo produccion di e aña aki. Manera semper Fatme a balia y asian busca tambe e madrina y padrinonan di e produccion aki. Como padrinonan di e produccion Edjean a scoge Sr. Ivo Yanez y Sr. Edie 'Jan Pets' Peterson. Como madrinanan Edjean a scoge Sra. Mimi Rosell y Sra. Mayra Kock-Garrido. E madrina y padrinonan a batiza e produccion aki cu awa di coco pa despues Papa Dios bendiciona e anochi cu tremendo awacero. Debi na e tremendo awacero cu a sigui cai e resto di e anochi Edjean a dicide pa laga e anochi aki maske cu tabata tin dos sorpresa mas pa anuncia. E sorpresanan tabata asina grandi cu Edjean a dicide



na anuncia nan toch despues di a gradici tur esunnan cu tabata presente pa semper a yud'e y apoy'e tur e añanan aki. Mes ora Edjean a bisa tur hende cu pa check www.edjean.net cu ta su propio website pa asina tur hende por ta na altura di loke cu Edjean ta haciendo den e mundo di musica. Fuera di esey el a anuncia na esnan presente cu su regalo pa Aruba e aña aki, fuera di e CD, ta un concierto di Edjean y varios otro cantante popular pa asina haci e temporada di Pasco mas dushi.

Mas informacion di tur esaki lo ta disponibel pa tur hende pero por lo menos tur hende sa awo cu dia 6 di December den Cas di Cultura lo tin un tremendo concierto pa Aruba.

Edjean kier a corda cu CD nan ya caba ta obtenibel tanto cerca dje como na e discobar nan. Tambe e kier a bisa danki na tur cu tabata presente y esnan cu a yud'e y apoy'e durante di e dia druk cu a caba di pasa aki. Finalmente Edjean kier a manda un pabien special na su fanatico number uno esta su Mami Chichi cu awe ta cumpli un aña mas di bida. Chichi ta ricibi masha pabien di parti di Eddie, Jeanedy y Edjean, cu Chichi pasa un dushi dia yena cu alegria y hopi bendicion pa hopi aña mas.

Por ultimo Klip Klap kier a desea Edjean Hopi exito cu e produccion nobo aki 'Hey...ta Pasco! Edicion Special'

